

信徵全集



信微全集



儒林集

同福疏李
著於觸后

序

文章者天地之菁華人之才氣非得天地菁華而又專精力久學
深養遂未可以苟焉爲文也就其大者言之則經書子史亦謂之
文就其小者言之則書札尺牘亦可謂之文故能文者雖百篇千
篇發揮而無難不能文者雖終身一篇辛苦而無成左太冲十年
成三賦劉穆之一日成百函皆可謂之文才矣乃穆之百函不傳
於世而太冲三賦則舉世皆知是知文章一道有不可輕心以掉
者乎今之所謂文者八股時藝也每鄉試之期各省約萬人合九
州十八省計之能八股者不下二十萬人矣而能古文者有幾人
耶無論天下無幾人也卽合天下之人統百年以來論之能古文



者又有幾人耶如以爲有何以自聊齋誌異一出將近二百年矣而能八股者不下百萬人竟無一人更著一書得與聊齋並駕齊驅況欲凌轢而過之哉乃知古文之難也不然唐宋之文明極盛矣何韓柳歐蘇外能文者竟落落耶今讀信徵全集不敢謂當世無文人也若以吾言爲阿私所好請讀此文者另執筆而成一書使吾得以快覩焉幸甚幸甚

同治九年歲在庚午夏四月同學弟李培謙益山拜敘

序

錦谷通守前以所著信徵集見示予序而歸之未數月又以斯集
郵寄所載皆耳目近事長言詠嘆如暮鼓晨鐘發人深省文如懸
河詞如倒峽義通雅俗理昭勸懲較之闕微草堂諸事更足以振
聾發聵噫可謂勤矣夫水之積也不厚不足以載大舟善之積也
不深不能以致多福積善成名積惡滅身實古今不易之理昔壺
邱子林謂列子曰子知持後則知所以持身矣列子背明而立形
直則影直形枉則影枉善惡報施之不爽亦猶是也或謂景公富
有齊國夷齊餓於首陽顏子爲仁而天盜蹠爲惡而壽天道茫昧
誠不可知不知顏子夷齊流芳萬世景公無稱於民盜蹠遺臭於

後迄今思之果孰得而孰失耶魯之施氏有二子一好學一好兵
好學者以干齊王齊王以爲諸公子之傳好兵者以干楚王楚王
以爲軍正其隣孟氏有二子所業同而窘於貧施氏告以進取之
方一往干秦秦王曰方今列國爭強以兵食爲重若用仁義治吾
國是取亡也乃宮而遣之一往干衛衛侯曰我弱國也大國宜事
之若用兵旅亡可待也乃刎而歸之夫施氏與孟氏所學同所求
亦同而有遇有不遇者時也非其行之謬也彼世之營營逐逐於
富貴利達迷而不悟者奚爲哉縱毛於爐炭之上而幸不焦投卵
於泰山之下而望其全可乎歐陽子曰爲善惡無不報而遲速有
時不必徵諸遠也卽以斯集爲左券焉可

壽荃張銑撰

信徵載集卷上

滇南段永源錦谷著

目錄

全文十六集三十二卷
計目共六百二十首

忠烈

淹沒

廉潔

自在

鸚鵡

石鷄

直諫

幽居

腥穢

巨盜

仙授

壩神

恠惰

靈石

再生

神還

浣女

寄漁

忠烈

天骨疎朗牆宇高嶷忠存軌迹義形風色思樹芳蘭剪除荆棘
惡其上時不容哲雖遇塵霧猶振霜雪形器不存方寸海涵和而
不同通而不雜遇醉能辭在醒貽答死生齊觀存亡隨數人猶懷
疑水之明據倘獨有靈游魂太素我當假翼飄飄高舉超登景雲
要步雲路徐朝綱雲南晉甯州人萬厯二十八年舉於鄉天啟元
年授貴州安順府推官至卽署知府事明年安邦彥反率其賊黨
數萬人來攻城徐諭兵民曰逃則生路中多死路守則死路中有
生路況守城則易我處於實彼處於虛攻城則難彼出於勞我出
於逸以我之易禦彼之難勢之安危如見矣以彼之逆叛我之順

理之邪正又如見矣爾等願守乎願逃乎皆曰守爲正徐乃督率
兵民設守禦之器械運守禦之機謀屢次挫賊賊攻之半年行將
遁矣徐見賊勢已餒乃激勵士卒出城力戰將一鼓而殲滅之以
安我衆民而爲朝廷建勲業也孰知訓導周國光者暗通賊當其
轉戰甚力之時竟開門而迎賊入城士卒見賊旣入城則潰去民
見賊入城則解體徐無外援又生內變力竭被執脅之降不屈索
其印大罵曰死賊奴吾爲同事所誤非守戰之過也頭可斷而印
其可得乎賊怒刀矛齊集身無完膚而死嗟乎天下事每每千人
成之不足而一人敗之則有餘非徐公不知人也徐公能料賊而
不料同官之人也是故江湖所以濟舟亦所以覆舟仁義所以全

身亦所以亡身然而先賢玉摧於前來哲懷袂於後而不悔又從而欣慕之至舍其身而不顧豈非天懷中發名教束物有動於不能自已者乎其同時有弔之者曰思其人兮已遠覽餘者兮未夷昔同途兮今異轍憶舊歡兮增新悲謂原隰兮無畔謂川澤兮無岸謂登山兮寥廓謂臨水兮浩汗視天曰兮蒼茫懷朋友兮蕭散匪外物之或改固盛衰兮情換帷軒夕改蕙帳晨遷英風天邃烈氣雲懸銖衣虛襲組練空妍巾有餘軸匣有遺絃移氣翔兮變羅紉白露凝兮歲將闌庭柯驚兮簾櫳響金缸暗兮玉座寒山庭寢日溪路抽陰重扃寂兮音已渺流泉鳴兮語未深餐清氣兮馭蘭風德言遠兮聲無窮當徐公狗節之日其妻聞之登樓自縊長子

婦卽舉火焚屋携十歲女躍入烈燄中死孫應魁年十六持矛潰
圍出城覓其祖遇賊死婢僕死者十一人可謂忠烈之氣萃於一
門矣天啟五年贈卹有加遇變之先子徐天鳳在京會試甫第進
士聞難卽奔喪歸服闋上疏言臣家一門臣死忠妻死節婦死姑
孫死祖婢僕死主節烈如此應祈如張振德例加卹帝深嘉之贈
光祿卿賜祭塋蔭錦衣世千戶立祠建坊諸死者從祀周國光被
獲伏誅妻子發爲奴又有贊之曰才爲世出世亦需才得而能任
謀而能諧同寅協恭貴在無猜孰知其事爲蛾爲虺凜凜英氣拔
迹草萊荷重吐奇以構雲臺千載之下令人永懷

淹沒

晉甯至省搭船一夜卽到遇西北風船不能行多泊於倒石崖以
避風由省搭船至晉甯遇東南風不能行亦泊於倒石崖以候風
轉每阻風或一二日不定王鎮號石灣言其回省時爲風所阻艤
舟石崖下舟中無食走七八里乃有村居沽酒市米石灣偕一徐
姓同行上岸小徑崎嶇荆棘滿路日已向申天忽變陰颼颼冷氣
襲人作寒遙見茅屋數間依山傍水竹籬板橋外白葦苦荻蕭蕭
作響至其地見四人蹲地擲骰爭嚷輸贏一屋內支長檨三人對
飲猜枚行令喧囂難聽隔半里平地撐一巨石高五六丈上老松
盤根懸筋垂陰連畝傍構草樓二間一面靠石三面開窓聞有笛
聲隨風遠颺王徐至樓下卽有人衣冠文雅下樓相迎曰二君高

士應屬知音延坐樓內先坐四人一執提板小鼓一握三絃一抱琵琶一橫笛見客皆啟身遜讓年齒相去不遠約四十三十餘歲聞其口音皆同州人也問諸君何爲在此曰愛其幽僻可以養閒也問高隣飲酒賭錢者何如人曰皆一時雅士惟人各有好不可相強問此間無田何以生計曰採於山釣於水何愁無食奚必田爲有田則累人矣各寒暄畢先衣冠者曰二君必妙解音樂我輩可互相彈唱以悅客心客亦可不吝珠玉以開鄙塞卽先唱曰過眼蒼騰纔信了當場顛倒悔輕被文人提破天工應惱冠帶一番烏爨弄箏琶幾曲華胥調比長房藥市興如何壺中跳榮辱事難憑料烟雲意誰分曉走邯鄲道也故人不少人笑人哭傳舍換夢

來夢去神仙老問與君此段甚因緣拈毫笑橫笛者放笛唱曰江
水爲吾語何事不歸田十雙須買上上等辦青山錢且讀齊民要
術有日荷花紫草同坐夕陽邊去便耦耕去如願知何年磨不疲
擔不怕荷鋤肩不如將就料理早向五湖烟有箇山妻餉飯有箇
稚子叱犢儘勝客窓眠讀畫忽長嘆起立望青天抱琵琶接聲曰
邊鷗邊者般荒綠何人能忍孤冷三萬六千餘頃濶一色淨谿天
影風未定便樹上流雲也有聲堪聽斜陽又暝看捲雪堆銀浪花
飛處寒上鷺鷥頂前林遠微見破簷掩映蒼茫先結幽興江湖慣
識丹青意畫出數帆端正呼小艇可載得全身同向蓬窓憑烟波
定肯但劃港栽魚分灘放鴨夢已落清境提鼓板者曼聲唱曰蘆